

Contohi negara maju amal kebersihan

BILARAN

8/8/17

MS 13

Tahun ini teman sambutan Hari Kebangsaan ialah 'Sayangi Malaysiaku: Malaysia Bersih'. Jelas sekali dengan pemilihan tema ini, kerajaan mahu rakyat memandang aspek kebersihan sebagai keutamaan ke arah wawasan ke arah bergelar negara maju.

Jika dilihat rakyat di negara mana sekali pun mengimpikan persekitaran hidup yang bersih tanpa dicemari sisa buangan atau sampah yang masih mencemarkan, bukan saja pandangan tetapi alam sekitar kita.

Namun, di negara kita boleh dikatakan tahap mentaliti untuk menjaga kebersihan masih belum memuaskan biarpun pelbagai usaha dilakukan kerajaan ke arah itu.

Kempen kebersihan sudah dimulakan kerajaan sejak sekian lama. Jika anda masih ingat pada 1983, Perdana Menteri ketika itu iaitu tokoh yang sama kita miliki hari ini, Tun Dr Mahathir Mohamad, pernah melancarkan Kempen Kebersihan Seluruh Negara di ibu negara.

Antara lain kempen bertujuan mengajak rakyat menjaga kebersihan untuk menjadikan ia sebagai satu identiti bukan saja kepada negara, tetapi juga rakyat.

Malangnya sehingga hari ini sikap tidak pandai menjaga kebersihan masih sinonim dalam kalangan rakyat, ditambah pula kehadiran ramai pekerja warga asing di negara ini yang men-



Tahap kesedaran rakyat Malaysia menjaga kebersihan masih kurang, selain tidak menggambarkan mentaliti negara membangun. (Foto Hiasan)

jejaskan lagi usaha itu.

Jika dilihat kawasan perumahan kos rendah misalnya, isu sampah dan kebersihan bagaikan tidak ada jalan penyelesaian disebabkan sikap penduduk yang suka membuang sampah merata-rata dan sesuka hati mereka.

Penduduk masih dengan mentaliti mengharapkan pekerja kebersihan semata-mata membersihkan sampah sarap yang ditinggalkan sesuka hati.

Sampah seperti kerusi dan ti-

lam buruk dicampakkan dari atas unit flet atau pangsapuri, menggambarkan ada yang masih mempunyai pemikiran kelas ketiga biarpun kemajuan negara sudah mencapai tahap negara kelas pertama.

Kita amat mengharapkan menerusi tema sambutan hari kebangsaan kali ini, mentaliti rakyat semakin berubah dengan tidak meneruskan tabiat lama yang suka membuang sampah merata-rata dan tidak menjaga

kebersihan di tempat awam.

Mungkin kita tidak akan dapat melakukannya secara drastik, tetapi sekurang-kurangnya jadikan negara maju seperti Jepun sebagai contoh kerana rata-rata rakyatnya memiliki tahap kesedaran menjaga kebersihan yang cukup tinggi dan sentiasa disegani di seluruh dunia.

**'Warga pembersih',
Kajang, Selangor**